



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 125. Quandonam igitur ignorantia & error censeatur invincibilis & inculpabilis, aut è contrà peccatum.

urn:nbn:de:hbz:466:1-42634

operandum est, habere possumus & debemus, ergo est Ethicè recta, adeoque sufficit, non tantum ad evitandum peccatum, sed etiam ad positivam honestatem refundendam in operationem.

Plura huc spectantia solventur l. 5. à n. 15. & 25., ubi efficaciter probabimus ad peccandum prærequiri aliquam cognitionem malitiæ & legis Dei.

Q. 125. Quandonam igitur ignorantia & error censetur invincibilis & inculpabilis, aut è contrâ peccatum. R.

§. I. Si nulla notitia specialis nequidem confusa, neculla ratio dubitandi in universum aut in particulari occurrit de eo, quod ignoratur vel circa quod erratur, talis rei ignorantia & error dici debet invincibilis & inculpabilis, uti rectè *Suar.* de censur. d. 4. f. 8. *Vasq.* 1. 2. d. 124. *Sanch.* in Decal. l. 1. c. 17. n. 2. aliquie communissimè contra *Eiiz.* l. 5. q. 6. §. 5. Ratio est, quia talis ignorantia vel error non est voluntarius, nam voluntarium, secundum dicta n. 736., procedit ex cognitione, quæ tum abest: deinde non adfuit hoc, per quod vinci & expelli possent, homo enim non potest se liberè applicare ad quærendam scientiam, nisi ante primam volitionem præcedat cogitatio, utique non voluntaria, cùm præcedat primam volitionem, ergo naturalis & ab extrinseco causata, per quam voluntas excitata se moveat, & intellectum applicet, ergo si nulla cogitatio in mentem venerit, quâ posset excitari voluntas, non est in potestate hominis se applicare ad quærendam scientiam, ergo si tum ignoret vel erret, ignorantia & error non sunt ipsi voluntaria, ergo sunt ipsi invincibilia & inculpabilia.

§. II. Si alicui inciderit cogitatio, non qualis- 749 cumque, uti n. 755. dicetur, sed prudens, ne forte objectum sit malum & operatio inhonesta, ipse au- tem

tem sufficientem adhibuerit diligentiam, neque tamen potuerit rescire veritatem, ignorantia vel error est ipsi invincibilis, ideoque operationes vel mala ex eis secuta non sunt imputabilia ad culpam, uti recte *Suar. suprà & Teril.* in Reg. q. 62. assert. 3., tota enim imputabilitas ignorantiae vel erroris, itemque malorum ex ipsis sequentium, fundatur in negligencia inquirendi veritatem & tollendi ignorantiam vel errorem, uti dicetur n. 757., hic autem adhibita est diligentia debita, quâ positâ cùm adhuc ignoretur veritas, nulla lex agnoscitur, quæ vel prohibeat operationem, quam prudenter judicat licitam, vel obliget ad præcavenda mala, quæ prudenter timere non potest esse secutura: quandonam autem censeri debet adhibita sufficiens diligentia, dicetur à n. 755.

750 §. III. In rebus inter Classicos Auctores controversis & incertis, debet ignorantia vel error censeri invincibilis, si nitatur gravi motivo, quia cùm Auctores graves dicant veritatem esse in hac, alii in altera parte, nec resciri possit, quinam verum, quinam falsum dicant, qui hic ignorat veritatem, vel format judicium pro hac aut illa parte, habet ignorantiam vel errorem, quem hic & nunc vincere non potest, ergo invincibilem, ita *Teril.* q. 67. n. 28.

751 §. IV. Ignorantia & error sunt peccata, quando sunt objectum legis illa prohibentis, & nihilominus liberè habentur, tum enim ignorantia habet se sicuti omission actus fidei, quando præcipitur, error autem sicuti positiva infidelitas: an autem dici debeant esse peccata, an tantum effectus peccati, dubium est, aliqui volunt dici peccata, non aliter ac omissionem Sacri die festo; alii cum *Vasq.* dicunt esse tantum effectus peccati, putantque peccatum compleri in sola negligentia removendi ignorantiam vel errorem: hoc videtur certum, quod totum pravum exerciti-

um

um libertatis compleatur in voluntate non sciendi
seu in negligentia debiti conatus ad sciendum, à qua
negligentia error vel negligentia accidentaliter de- *ignorantia*
nominentur esse peccaminosa, potuisset enim esse ea-
dem ignorantia vel error, & non esse peccaminosa, si
nempe fuissent invincibilia & nullo modo volun-
taria.

¶. V. Si nulla prudens cogitatio inciderit de igno- 752
rantia vel errore per peccatum incurriendo, licet po-
stea ex peccato, sive, propter peccatum sequantur,
non sunt voluntaria, nequidem indirecte, neque pec-
catum, sed vel merus effectus, vel tantum pœna pec-
cati, ut recte *Terl. q. 65. ass. 3.*, quia ratio voluntarii
petit, ut sit aliquo modo præcognitum, sicuti si quis
liberè se inebriet vino, quod nescit esse venenatum,
quamvis peccatum sit illi voluntarium, mors tamen
inde secura non est voluntaria, quia nempe nullo
modo fuit præcognita, neque lex prohibens inebria-
tionem repræsentabat hanc tanquam illativam mor-
tis, ergo similiter, si non incidit prudens metus vel
cogitatio, quod ignorantia vel error esset secuturus
ex peccato. Probatque recte *Suar. n. 13.*, etiam ex
Sacris Canonibus, nihil ad rem facere, sive ignoran-
tia & error causentur per opus licitum sive per illici-
tum, cùm hoc non refundat voluntarietatem in ali-
quid non prævisum: sed nec refert, sive perse sive
per accidens sequantur ex peccato, nam si nulla co-
gitatio de hoc inciderit, non fuit possibile, ut cogita-
ret de illis præcavendis, ergo moraliter præcaveri
non potuerunt, ergo sequuntur involuntariè. Vide
dicenda l. 5. à n. 30., & ibidem n. 222., ubi n. 224.
etiam explicatur, quænam dicantur peccata inad-
vertentiae.

Objicies. Apostolus ad Rom. i. dicit Gentes, quia 753
cūm cognovissent Deum, non sicut Deum glorifica-
verunt,

verunt, incidisse in ignorantias, quas utique non præviderant, nec tamen fuerunt excusabiles à peccatis per tales ignorantias causatis: quem locum explicans S. Th. lect. 7. dicit, si ignorantia causetur à culpa, non potest subsequentem culpam excusare. Partque idem in obcæcatis, licet enim prævisa non fuerit cæcitas, tamen ex cæcitate peccantes non excusantur. R. Gentiles aliosque, quibus ignorantia vel cæcitas non fuit voluntaria, non peccasse per ignorantias vel cæcitates, sed postea constituti in ignorantia aut cæcitate peccabant per malitiam suam, agnoscebant enim satis turpitudinem eorum, qua patrabant, uti notat Corn. à Lapide in eum locum. S. Th. loquitur de causalitate, non purè physica, sed morali, culpa autem non est moralis causa ignorantiae & ex hac consequentium, nisi ignorantia fuit voluntaria; & idem est de cæcitate: quæ autem postea fiunt ex nova advertentia, sunt peccata malitia, cum quibus stat aliqua cæcitas, nam nemo est cæcior illo, qui mala imminentia cognoscit, nec tamen vitat; qui foveam metuit & tamen in eam irruit; hoc ipso enim physicè videns, moraliter non videt, qui agit, ac si non videret, quod est pessimum genus cæcitatibus. Videri potest Teril. à n. 42.

Inst. Omnis peccans potest timere, ne propter peccatum permittatur incidere in ignorantias, errores, cæcitates, ergo debet hoc timere, ergo ipsa sunt sufficienter prævisa & voluntaria. R. 1. Omnis peccans semper proximè potest hoc timere, n. potest quandoque, & potentia saltem remotâ, si ueniret hoc incideret cogitatio, transeat; quod autem haec non incidat, non est ei voluntarium, uti supponitur. R. 2. Dato antec. n. conseq., quia cum talis ignorantia, error aut cæcitas sint poenæ extraordinarie & à solo Deo dependentes, nemo censetur exponere

se periculo proximo earum, si peccet, nec semper potest prudenter prætimere.

*Q. 126. Quandonam illa, quæ sequuntur ex 755
ignorantia vel errore vincibili & culpabili, cen-
sentur voluntaria & imputabilia ad culpam. R.*

§. I. Ut censeantur etiam indirectè voluntaria, debent aliquo modo fuisse præcognita, uti colligitur ex dictis n. 752., & pluribus dicetur l. 5. à n. 30. Nec negare audet *Eliz.* q. 10. §. 3. & q. 11. §. 5., quia nihil volitum nisi præcognitum: debet insuper saltem confusè agnita esse obligatio illa præcavendi, alioqui non esset agnita in eis malitia, & consequenter non essent imputabilia ad culpam, uti dicetur eodem l. 5. à n. 16. Quævis autem repræsentatio mali fecuturi non inducit obligationem tollendi ignorantiam vel errorem, ut mala ista præcaveantur, nam quandoque prætimentur sine fundamento & ex scrupulositate, si nempe rarissimè eveniant: hinc ut agnoscatur obligatio quærendi scientiam, debet quis probabiliter pravidere, sive prudenter prætimere malum, & ideo agnosceret se obligatum ad tollendam ejus causam, quæ hic esset ignorantia vel error.

§. II. Ut illa, quæ sequuntur ex ignorantia vel 756
errore, sint voluntaria & imputabilia, non est opus præcognosci in individuo vel specie, & id evincunt argumenta, quæ affert *Eliz.* q. 11. §. 4., si enim formaliter & expressè in scipis fuissent prævisa, essent directè volita, ad peccatum autem sufficit esse indirectè voluntarium: itaque sufficeret, quod præco-
gnoscantur quasi in genere, ita ut censeantur virtua-
liter & implicitè præcognita, v. g. ut *Judex* peccet,
quando postea injustam feret sententiam circa testa-
mentum, non est necesse, ut determinatè agnoscat
se nescire materiam de testamentis, sed sat's est, si
agnoscat, se non sat's scire illa, quæ ad officium